

痘疹心要序

隆慶紀元予轄楚藩以女病諸醫用藥
皆不効聞羅田有萬生療小兒之疎驗
亟延至之命之診治女病果愈予以暇
時時與萬生卮談乃萬生非如他醫但了
一方一脉自售其術其為業素難下及
一代醫書靡不究悉源委剖訛是非又

六經性理根于吾儒之道信有之

生少嘗從事科舉以不得志遂

加醫官宜其世之為醫者不能望而及也

生著有痘疹心要一書予為序之俾表見

于世以予愛女求醫之心推之則為父母之

保赤子者斯心大略皆同而赤子之難

保莫過痘疹得是書審察之劑量

調攝

萬生之術溥而大行安謂其不得志耶

淮海山人孫應鑿書

刻痘疹心要序

醫之難莫如小兒小兒醫之難則莫如痘疹余
初得子女痘皆險甚賴醫藥以生於是科特
究心焉在楚時到處求方書至均州而得萬氏
所著痘疹書前為世醫心法者卷十二後為格
致要論者卷十一合而名之曰心要其辨症最核
而系方最精根極于素難微旨而人人可以與
知是痘科指南也携方歸四歲而少女痘幾惡

候立見醫莫措手余但按是書扶起之則益
敬重若神人授矣均州本舊多舛訛余手校
成善本常置篋中大兒執之以請曰兒常憶
痘劇時祖不食父亦不食凡為人父子者情
皆然也梓是書以傳世於孝慈寧不廣哉余
善其言而從之

萬曆癸未夏六月吉

賜進士第督學使者吳門陳允升識

痘疹世醫心法序

家世業醫方脉悉有異傳吾奉先子之訓凡醫者
流按圖索驥未免多歧亡羊也吾乃本之素難求
之脉經攷之本草叅之長沙河間東垣丹溪諸家
之書抽閑啓鑰探玄鉤隱頗得其趣日錄所見積
久成帙如素問則有淺解本草則有拾珠脉訣則
有約旨傷寒則有蟲測又如醫門摘錦保嬰家秘
皆恃井蛙之識梧鼠之能不敢自售以買笑也惟
痘疹一科錢氏用涼瀉陳氏用溫補立法不同執
偏門之說者無以白二先生之心先子爲吾剖析

發明仲陽之用涼瀉因其煩躁大小便不通也文中之用溫補因其泄渴手足冷也虛則補之實則瀉之所謂無伐天和無翼其勝也吾謹識之但遇斑疹如教施治多所全活乃嘆古人立法之善先子用法之精非滯隅之能及於是蒐輯家教彙成歌括命曰世醫心法用壽諸梓與天下後世共之庶先子之仁術與錢陳二家同芳不徒泯泯已焉耳先子諱筐字恭叔行三菊軒號也時

嘉靖二十又八年歲己酉冬十二月既生魄後學萬全拜手謹書

世醫心法目錄

一卷

治痘總括

凡一十四首

二卷

發熱證治歌括

凡一十六首

三卷

出見證治歌括

凡一十八首

四卷

起發證治歌括

凡三十二首

五卷

成實證治歌括

凡二十五首

六卷

收靨證治歌括

凡一十七首

七卷

落痂證治歌括

凡一十一首

八卷

痘後餘毒證治歌括

凡三十二首

九卷

疹毒證治歌括

凡二十六首

十卷

婦女瘡疹證治歌括

凡一十二首

十一卷

古今經驗諸方

凡八十五方

十二卷

古今經驗諸方

凡六十一方

目錄畢

痘疹碎金賦

痘本胎毒俗曰天瘡雖癘氣之傳聖賢秘機之顯彰變遷莫測酷惡難當肌肉潰脫若蛇蛻皮龍蛻骨精神困頓如蚓在灰蟪在湯瘡有疎密疎者輕而密者重毒有微甚微則祥而甚則殃笑彼拘於日數者未達遲速之變悲夫惑於鬼神者不求醫藥之良

乾坤妙合震巽分張受氣於父得陽精而凝結成形於母賴陰血以培養民多嗜慾氣匪淳龐淫火熾於衽席食穢蓄於膏梁精血稟其毒氣若

甚於射罔形體負其殺氣兮險於鋒鏃或謂去其
口血兮不過脫空之語或謂解其胎毒兮未見抵
聖之方

五運統於南北兮有太有少六氣分於主客兮曰
陰曰陽變化各正勝復靡常得其序而氣治兮國
無疵癘失其序而氣亂兮民有疹瘍應至而不至
兮其氣徐貴迎之以奪其勢未應至而至今其氣
暴姑持之以避其強不知此而妄作兮違時者敗
能審此而慎動兮順天者昌

春令溫和而升生夏令暑熱而浮長秋令清涼而

降收冬令寒冽而沉藏是得四時之正不爲萬物
之傷冬反燠煖兮勾萌早發春反栗烈兮蟄虫且
藏夏反清肅兮涼風襲肉秋反蒸溽兮暑汗沾裳
若此逆氣兮染之者即成疫癘又有虛風兮中之
者必致夭殤受父母之穢毒兮隱於黝僻觸天地
之癘氣兮發其伏藏自內而出兮布於四體自外
而散兮根於五臟肝主淚而爲水泡肺主涕而作
膿囊心則班而且赤脾則疹而又黃腎乃封藏之
本變則黑陷之象可喜者苗而秀秀而實如鳥之
脫距所惡者枯而陷陷而伏如虎之負岡

東赤南白西黃北黑各分布而有定春生夏長秋
收冬藏自流行而無疆初出血點兮紅鮮得生之
氣次化水液兮白瑩漸長之狀膿成而色黃兮欲
收之候死結而色黑兮已藏之象謂腎無證者似
去冬不能成歲謂黑爲逆者如癆北何以調陽
方其發生兮春夏爲順而秋冬非吉及其收歛兮
秋冬爲順而春夏不藏應發生而反收歛者謂之
陷伏應收歛而反發生者謂之爛洋順者不必治
兮待其平復逆者不可治兮避其怨謗若逢險證
必在奇方治不垂方兮險變順而春回幽谷藥不

對病兮險變逆而火烈崑岡

病似順而反逆兮認之要慣病似逆而反順兮察之貴詳似粟堆聚堅硬兮孰若磊落而稠密如丹艷赤嬌嫩兮不如淡白而老蒼初出現而涵水乍起發而戴漿膿未成而乾黑囊未滿而萎黃早發先萎兮如園林之花藥暴長遽消兮似溝澗之潦潢是謂奪命之證休誇折肱之良

輕或變重兮誤服藥而或犯禁忌重或變輕兮得遇醫而且善調養蚊迹蚤班兮不旋踵而告變蛇皮蚕殼兮惟束手以待亡夾班疹者班疹消而足

喜頂平陷者平陷起而莫惶切戒臨病揮霍最宜
用藥審詳病有標本今視急緩以立法藥有補瀉
今因虛實而立方

噫嘻兮醫無定法迷亂兮藥無定方大率賤攻而
貴補故多喜溫而惡涼設若病遇虛寒兮溫補有
効假如證屬實熱兮辛香敢嘗辛熱下咽陽之盛
者必困苦寒入胃陰之盛者乃戕戒汗下於首尾
兮惡攻之說補脾土以制腎水兮喜補之常不識
補者之短奚論攻者之長
形尖圓而光壯兮氣之充拓色鮮明而潤澤兮血

之涵養。可以勿藥。是謂無恙。灰白二陷兮。血氣虛而補之以溫。紅艷掀腫兮。氣血熱而瀉之以涼。氣至而血不足兮。雖起發根窠。不經血至而氣不足兮。雖明潤郭郭。不長泥章句。以舉一隅者。守株安可得免。馳辯說而執兩端者。多岐必然亡羊。

脾爲水穀之本。固不可以不補。腎爲津液之源。尤不可以不將。土雖爲水之防水。能制火之亢。腎主骨髓兮。倒陷入於骨髓者。莫救。腎司閉藏兮。變黑至於閉藏者。可防。是皆歸腎之舌。豈可謂腎之強。毒火燔灼兮。腎水且涸。營氣敗壞兮。脾土亦傷。故

補脾不如救腎而養陰所以濟湯

炁則氣血淖澤而不斂寒則氣血凝泣而不章氣
血失養痘疹受傷或受於熱兮爲煩躁爲赤爲痛
或受於寒兮爲振悸爲白爲痒順時令之寒暄禁
人畜之來往勿動溷廁之臭勿燒檀麝之香恐乘
虛而易入反助毒以爲殃痘雖吉而犯多凶屢經
恠變證雖惡而調則善終見安康

若夫瘡疹之熱相似內外之傷邪火烜赫兮玉石
俱焚真水靜順兮波浪不揚噴嚏咳嗽兮肺金流
鑠項急煩悶兮肝木披創呵欠驚悸兮心雖君主